


www.BibleForChildren.org


Kejadian 1



Akeca-keca yuma men
kwamu taruda, Allahdi
im cap, tuai cap
ketekepra deipu.




Tuai mutu ketekepra deipu dinin,
akeca yala-yala yuma kapul men
kwamupa, lepsisikra kapul men
deipka tep, urasin tali-talipu
kupu. Ila kauru weik mokon
akapupa, kunuknapu
kupu. Ukupupa, Allah
er Lek Sambaladi
amokon deiki
lang-lang penmau.



Ukunmaupa, Allahdi pepu. "Dirine dayo," peipupa,
adipapu dirine katuai kupudi, bereku. Dirine tep
Allahdi, "Keteng komuni," pepra si karepu.




Kunungnai tep nengeda, "Lukunda," pepra si
karepu. Ukupu pangeda, lukunda cap, berengna
cap kupupa, ue tenpu tumi menmena ngeda,
konum telep kupu.



Ukupu dingeda, Allahdi pepu. "Ton mokon deiki tara, ton mokonda amutara neitamaida, ila go kuprepa, mokon dana-dana wilipropkure," pepu. Ukupupa, Allahdi ila go neitamai ketekepra deipu ngeda, si tep, "Im neitamai," pepu. Upepupa, ipmaua berekupa konuma, butene tuminge konum kupu.



Ukupu dingeda, Allahdi pepu. "Ukutaruda, im neitamai dice, dutara mokonda tenpaipu derirbarede, tu katuai belepkure," pepra deipupa, adipapu Allahdi peipmautopu kupu. Mutu belepudi, tu kal kupu ngeda, Allahdi akeca si tep, "Tuai mutu," pepu.



Tonda dutara mokon tenpaipu deipmau ngeda, si tep, "Laut mokon," pepu. Upepra dipterepudi, 'Ange yumada telepe,' tenepu.



Ukupu dingeda, Allahdi upepu. "Ukuda tuai mutu
ban-ban yuma neitamaida, tu pumbon di pakra
bolongkamre keca yala-yala yuma,
adipapu bolokurume,"
pepupa adipapu boloku.



Tonda, "Co du cap, tapu du cap, uda, du mouramre
keca yala-yala yuma cap, sun urasin yuk-yuk
akunkamretopu, du moupredi, yal keca
dapkure," peipupa, adipapu
kupu. Ukupu pangeda,
ipmaua berekupa, ue
weneri tuminge konum
kupu.



Ataruda, Allahdi ila dirin keca butene ketekepra deipu.
Ila ngeda, 'Keteng komuni taru tengkamre'
tenen, keteng ketekepra deipu
dinin, yambul ngeda, 'Lukunda taru
neitamai tengkamre' tenen, war cap,
kuru cap ketekepra deipu.




Tonda, atarupuda, kuru ton
ketekepra deipu. Ukupupa,
ipmaua, berekupa, ue
tenpu ton dum tuminge
konum kupu.



Ukupu dingeda, Allahdi
pepu. "Ukutaruda,
mokon neitamai yumada,
gam kure keca yala-yala
yuma weik kuprume.
Tonda, im neitamaida,
ma yala-yala yuma
adipapu weik
kupmengedi, im neitamai
lakra embankamenge,"
pepu. Upepupa, ipmaua
berekupa, pamu bari
tuminge ton kupu.




Ukupu dingeda, Allahdi pepu. "Tuai mutu ban-ban yuma neitamaida, gam kure keca tu deiki yanipra bankamre keca weik, yala-yala yuma kupkure. Ada nimi peinkameng keca cap, tu deiki yanipra embankamre keca cap, tali bura tara keca, sun mundu deiki embaramre keca cap, sun yala-yala yuk-yuk akunkamretopu kupkure," pepu. Allahdi aupu peiputopu, adipapu kupu.




Ukupu dingeda, Allahdi pepu. "Nun kuramnup atonun, nimi ton ketekepra deipmeko. Nun kamo atonun, tuai nesala ketekepra deipmepepa, nimidi tuai mutu keca yuma tep talepra, deiyo neng kunkamenge. Ada, laut mokon neitamai kure keca cap, mekina cap, tonda im neitamai lakra embare ma yala-yala yuma cap, nimidi peinkameng keca yala yuma cap, tu deiki yanipra embare keca yuma cap, uda, . . ."



“ . . . tuai mutu ban-ban kure keca yuma tep, tuai nesala talepmengedi, deiyo nengpu kunkamenge.”
Allahdi pepu. Allahdi ketekepra deipmau keca, yala-yala yuma dipetepudi, ‘Ange-ange yumada pio telepe,’ tenepu. Utenepupa, ipmaua, berekupa, ue tenpu ton, ngantan tumi konum kupu.



Ila Deiyo Ngebo Allah, er si Yahwehdi, 'Eden ban mutu neitamai peramsi wada, talepra pel donkamre' tenen, erdi ketekeipu ngebo dopra, awa neitamai deipu.



Dopra deipudi angebo
tep, Allah er si Yahwehdi
pepu. "Awa neitamai
kure co yumada, co du
dakra jena telepe.
Dinino, tenpu coda, aco
du dakra men
jenkamrume."



"Aco du jenada
meme. Ada, Mali
Kuna cap, Telep Kuna
cap, Kael Kemna
Deiyo Co du dakra
jepmemnyopda, tek
sisi depkamrem ja.
Aco du tenpupuda pio
men jenkamrume.
Meme, pepkene,"
Allahdi pepu.



Agam kuramu keca yuma, Adam damai embanmaipa,
erdi akeca yala-yala yuma tep, si sipepra karepu. Ada
nimidi peirameng keca cap, im neitamai lakra
embaramre ma yala yuma cap, tali bura
tara kure keca yuma cap, si sipepra
deipu.



Adamdi, si sipepra karenmaupane, konum gawal daku
dinin, er pe tep, telep kupra kikiman kupmantonge, er
melipmanto keca tep, men kwamupa, men epu.



Er pe tep melipmantonge gum tep, Allah er si Yahwehdi, er puto deiki di, Adam tep mapra deipupa, pio kange douna gum di mapmau. Mapmaupane, Allahdi angebo, er ik yo tenpu dopropudi, ik yo dopropmauai kange di dukdongopra, tu antipdongopu. Allah er si Yahwehdi, Adam er ik yo tenpu dopropmaua di, ner tenpu ketekepra deipu. Ner ketekeipudi, angebo damai yana karepu.



Ange tep nengeda, ware ngebo do
yuma, er nai sisa cap, er nin sisa cap,
sun ati tapra, er dopre ner dipru
dukdongopra, sunpu kikiman
kunkamrenge. Sun nong tenpu utopu
kunkamrenge.



Allahdi teka tenena nesala yuma tep,
gam pio kupra deipkamsera deiyoda
pepkusene. Ada, Allahdi nesala ban-ban
yuma tep, bicau teneamseudi, dipru
weika di kareamseua tep, er Mi
Sisa tenpupu kuramu dinin,
tuai nesala lyemna tep
karepseue.



Ada, 'Ware nesala do yuma, er Mi Sisa
tep, teka tenepmengopda, pio men
depkameng dinin, gam kuna deiyo keca
karepnepa, pio gam kunkameng'
tenen, er mi tenpu karepseue.



Roma 3:23 Nesala ban-ban yumada utotopu kunupe. Allah er tenpupuda mali keca tenpu pe men kuredi, pio dumsisipu kuretopu men kunupe. Nunda er upu yaniptapmepedi malipu kunupe. Allah pio telep kupra kuretopu, men kunupe. Nunda dumsisi men kupmanto nesala kunupe. Atep tuai mutu kupe nesala yumada kikiman utopu Iyemserure.

Roma 6:23 Angeda tali men pepsene. Deiyoda pepkusene. Ada, nundi menenga keca dorona tep, pel dopmepepa, sun pel deiyo nengdi menenga keca, co bo karesenungtopu, mali kun kecapu tenepira, pio malipu kupbaramepyopda, sirya taruda depkamepe. Depmepyopda, Allah cap kikiman pio men kunkamepe. Dinino, Allah bicau teneseredi, er kange dipu tali karesere kecada, pepkusene. Ada, nun Deiyo Ngebo Yesus Kristus cap, dipru dukdongopseua deiki di, sirya taruda gam bukra deipserepa, Allah cap pio gam kunkamepe.



Ibrani 9:27 Uda, Allahdi nimi tuai nesala yuma teneamseutopu kunkamepe. Ada, gam kuramepyanen, tenpu taru di konum depmepyopda, amendada, Allahdi, nun tuai nesala yuma tep, "Ange telepe, ange mali," pepra upu lepsisikra bokeipseredi, wenepkamsere.

Efesus 2:8,9 Allah er kange dipapu lyepseue pepmasenada, tali tep men pepsene. Deiyoda ake. Sundi Allah tep, konum teka tenepruma deiki di, Allah er kange deiki dipapu lyemserure. Angeda, sun telep pel dopra, dumsisi kuruma deiki di men lyemserure. Ange pio gum dinin, Allah er kange dipapu bicau tenepseudi, lyepseue. Er kange dipapu lyemserurada, 'Mesum dipapu teka tenena deiyo keca karenepa, anesaladi teka tenepnetenge' tenen, karepseudi, kange deipra lyepseue. Ange utopu ton tupa kuserure.



Nunda telep pel doramupka deiki di men lyepseua tep, ware ngebo do yuma, sundi, "Gume, ne telep pel doramsa deiki di, Allahdi lyepneue," pepra gemena upu men peptenge. Ada men pepmanto keca tepa.

Roma 10:9,10 Aupuda, pepkusene. Ada, sun pe upu deiki cap, sun pe sipyal deiki cap dipapu, "Yesusda tek sisi nun Ila Deiyo Ngebo kurure," pepra, tenimtona gum dipapu, katuai di pepmum dinin, sun kange dipru neitamai di, 'Yesus konum depu dinin, Allahdi Yesus tep tek sisi ka tamupra gam bukra deipu' tenen, teka tenepmumnyopda, konuma, tek sisi Allahdi lyepkamsere. Angeda tali tep men pepsene. Gume. Deiyoda ake. Ada, sun kange dipru neitamai teka tenepmumnyopda, Allahdi sun tep, "Sunda dumsisi nesala kununge," pepra, er kange dipapu telep kemdiserure.



Tonda, sun pe upu deiki cap, sun pe sipyal deiki capdi,
"Yesusda nun Deiyo Ngebo kuserure," pepra nimi gekenai
di, katuai pepmumnyopda, Allahdi lyemdoserure.

Yohanes 3:16,17 Allahdi teka tenena nesala yuma tep,
gam pio kupra deipkamsera deiyoda pepkusene. Ada,
Allahdi nesala ban-ban yuma tep, bicau teneamseudi, dipru
weika di kareamseua tep, er Mi Sisa tenpupu kuramu dinin,
tuai nesala lyemna tep karepseue. Ada, 'Ware nesala do
yuma, er Mi Sisa tep, teka tenepmengopda, pio men
depkameng dinin, gam kuna deiyo keca karepnepa, pio
gam kunkameng' tenen, er mi tenpu karepseue.
Angeda tali tep men pepsene. Allahdi er Mi Sisa dopra, tuai
nesala kunupai dokotepseua deiyoda, 'Erdi tuai
nesala yuma tep, wenepa poptapkamre'
tenen, men dokotepseue.



Ange gum dinin, Allahdi, 'Ne Mi dokotepnepa, nimidi er tep teka tenepmenga deiki di, nesala ban-ban yuma neitamai di nesala weik lyepkamne,' teneamudi er mida, tuai nesala kunupai dokotepupa, nun damai yaue.

1 Yohanes 5:11-13 Allahdi er Mi Sisa tep, lap pepra karepseu upuda ake. Allahdi pio gam kuna deiyo keca konum karepsue. Agam kuna deiyo kecada, er Mi Sisa Yesus deiki dipu kareserure. Allah er Mi Sisa Yesus teka tenepra talere ngeboda, gam pio kunkamre. Allah er Mi Sisa Yesus teka tenena gum di, Yesus men talere ngeboda, gam pio men kunkamre. Ato ngeboda, nong yopu kurura tep, Yesus er cap kikiman gam men kunkamrengé. Uda sunda, 'Allah er Mi Sisa teka' tenen, talepra kurum nesalada, 'E, nunda tek sisi gam pio kunkamepe' tenen, 'Kange bongtona gum di, tek sisi kael keprumudi, dipru dimpepra kunkamrum' tenen, ne Yohanesdi sun tep, aupu sekeipsene.



Kejadian 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Ketengban Bible (xte) ©2022 Wycliffe Bible Translators, Inc

<https://www.bible.com/bible/3486/GEN.1.KNTOT>

©2026 Bible for Children, Inc.

www.M1914.org

www.bibleforchildren.org

